

浦城山川縣圖

浦城縣志

卷之一

城郭總圖





浦城縣志

卷之一

城郭總圖
縣治圖





浦城縣志

卷之一

衙署宮圖

四




浦城縣志

卷之一

衙署圖

又四



重修浦城縣志卷一 地里考

先王建國畫土分邦仰象星紀下定版章茫茫禹
甸今赫矣皇謂山蓋高謂水彌長以流以峙寒燠
互藏鉛槧所羅班志維良地靈不遷土物用臧各
勤保障永奠而疆志地里

分野

沿革

疆域

山川

形勝

浦城縣志

卷之一

地里

五

氣候

分野 有圖

有炯者星麗天而俯度地居民爰得我所分匪自
今野經於古吳越西來顧瞻柘浦茲誰屬與遙指
河鼓志分野

牽女



女宿




河鼓



天河

織女



婺女

分野

星與土精氣相屬而分野定焉自古在昔保章氏以星土之法辨九州蓋望雲省氣度地居民天有分星地卽有分野雖經理於下而上應象緯由來久矣閩屬揚州北距淮東南至於海爲百粵地浦亦古揚州也考天官書牽牛婺女建爲粵地閩星皆屬牛女也而范蔚宗又謂牽牛主吳浦當浙閩之衝則分野躔次又當在牛女之間矣按牛女爲禽星分野在亥枵之次于地屬閩以爲牽牛織女誤婺女尤非存叅

沿革

鰲足既奠爰啓邑都有創斯因名隨代殊方更旋
易或昧其區由來遠矣可弗稽乎志沿革

浦城縣隸建寧府稽古在禹貢揚州之域周職方所
載七閩之疆秦罷侯置守屬閩中郡漢五年立無諸
爲閩越王王閩中故地都冶冶後更侯官縣浦城亦
侯官北鄉地漢建安中析置漢興屬會稽南部都尉
吳永安三年改吳興屬建安郡隋開皇九年建安郡
廢爲縣吳興與諸縣並省唐武德四年復置建州改
唐興歷代俱以國號易名嗣聖六年改武寧神龍元年復名唐
浦城縣志

卷之一

沿革

八

興天寶元年改載興後唐同光中以東越王築城臨
浦更名浦城宋德祐初置忠安軍元復名浦城明因
之編四隅十鄉三十二里統圖一百五十有六今悉
仍舊

疆域

天作金湯覘國所指華表八方外郊內市尺寸毋
涓限以界址疆從此分民迺各子一望廣袤周道
如砥志疆域

縣在府城東北二百七十里周城九里十三步東抵
處州龍泉縣牌頭嶺界九十里西抵崇安縣洋源嶺
界八十里南抵甌寧縣塔嶺界九十里北抵廣信府
廣豐縣界一百五十里東西相距一百八十里南北
一百四十里東南到松溪縣翁源嶺界七十里西南
到建陽縣西坑嶺界七十里東北到衢州府江山縣
筋竹嶺界九十里西北到廣信府廣豐縣小竿嶺界
九十里到京師五千二十里

山川

地不愛寶聿鍾靈奇大高既奠百川絡之誰染丹
碧聿則漣漪豈惟江愛我情亦移出雲降雨邑望

在茲志山川

越王山

在縣治東隅自橫山蜿蜒而來結為縣治嶺
平曠旁瞰玄水溪左接金雞嶺舊有越王臺
後廢順治三年知縣李葆貞重建今臺圯址
存騷人常稱月臺晚照攷胡昱勝遊記浦有
八景此其一也

八景

吳山聳翠

夢筆晴嵐

錦江石壁

南浦綠波

天心月華

鳳池雲影

僊林春色

越臺晚照

浦城縣志

卷之一

山川

十

皇華山

宋建黃華館因名在縣治北學宮明倫堂後
一卷挺秀左右有吳山西岩洵登眺勝地也
乾隆七年原任濟東道吳興業捐貲構亭於
其上

橫山

在縣東北峯巒橫亘如屏山陰有小井上有
馬仙祠禱雨多應

回龍山

縣治之朝山也在登雲里圓峯秀拔俯臨南
浦溪原名回隆

吳山

在縣東募太里峭立豐秀為邑治之望居民
多吳姓漢興得吳氏六千戶別屯大澤今其
苗裔也山有燕窠岩岩畔有石穴瀑布故又
名石竇山唐時有潘禪師庵明萬曆丙午重
修

西巖山

在德星門外真夫子號西山以此鬱積岩巖
蒼翠欲滴有蘭若二一在絕頂一在半嶺產
茗甚佳

夢筆山

在縣西上相里環諸嶂而獨立又名孤山梁
文通江公介吳興夢神人投筆於此宋大觀

元年知縣王淮立祠於山旁等覺寺昔楊文莊公有讀書堂真夫子於山之麓得數畝地藝木葺廬為息游之所詳見魏了翁先生夢筆山房記歷明迄清勝蹟如故雍正十三年巡撫趙國麟題詩云偶尋遺跡到前川負郭溪山雨後妍貼圃菜花金布地當門松色翠參天浮生有夢花如泡嗜古無才筆似椽文苑漫成天女室應教曇蕪散雲編乾隆八年邑紳士重塑江公像奉祀于亭

將軍山

在縣南登雲里自回龍迤邐而來壁立數仞溪流激轉其下乘高瀉浪觸石奔雷勢甚雄名武故

荆山

在縣南登雲里下沙壘障環峯中飛瀑布如練山中有安邊廟神最靈每歲白露前浦人多登山祈夢至今響應

油果山

在縣長樂里昔唐有占星者云山有異氣命工鑿之復合後用方士術以油果祀之遂不

浦城縣志

卷之一

山川

蓋仙山

復合上有清白二泉先是有周霞先生者修鍊於此今丹爐尚存亦名浮蓋在縣北畢嶺里界衢信處三府周環三十餘里有仙壇石洞洞門有石如龍口噴甘泉石多五色相傳有瑞蓮池卧龍石水精石雙筍石石人峯等景宋王藻曾有題詠

船山

在縣北官田里前有玉女峯旁有王歸峯青嶂挿天勢高而坦狀如船故名

百丈山

在縣西北招賢里危嶠刺天嵯峨聳立舊記東嶺有鍾離亭後廢遺址尚存山上積石如仙像俗傳謂馬大仙中澈龍湫宋紹興間邑宰謝邦彥以詩投龍湫即雨明洪武十六年知縣徐瓚詩云索神閔雨念民情百丈山深不計程仙在真祠存惠澤龍居靈井闕幽精風搖翠竹來瓊珮石激清泉響玉笙馬上天瓢如可借作霖從此慰蒼生

株林山

在縣南孝弟里林木森秀峯巒昂伏山有嶺曰却笠昔華子期得道日入此山却笠而坐

俄頃雲生騰空而去朱周侍郎詩云萬疊青山鎖翠烟山間別是一家天須與却笠乘雲去已是浮生七百年

子期山

在縣西南孝弟里昔華子期師角里先生居此修鍊臨溪有子期臺神人指臺前石語之曰待此石鼓鳴汝功行滿矣子期一日扣之果有聲遂羽化庵廢址存宋周侍郎詩云聞得當年華子期閉敲石鼓動人時雲間却笠人何在不見臨溪別世詩

西陽山

在縣西南清湖里舊傳西陽太守全景文居此故名山有長嶺險阻殊常嶺脊有關帝廟旁有清泉炎月夫馬絡繹多賴之

大湖山

在縣西南靖安里一名聖湖山山巔有湖澄澈無底俗傳採藥者見滿湖芙蓉涉而取之乃石也

浦城縣志

卷之一

山川

大同山

在縣西南總章里界建陽崇浦三縣絕壁窮崖上有龍湫唐會昌中蕭袁二禪師棲真其上山高無泉有虎穴地得水甚甘謂之虎跑泉梁國公邱良居此山下屢得菜葉尋其源遇二師忽有虎驟至師曰毋驚地主公為捨水源立寺虎亦泥首引去一旦天宇晴朗有水出龍湫騰空直上俄雷雹大震石壁碎如粉厥址遂平二師建寺名大蟲後更名大同寺

嵩山

在縣西南總章里上有龍井禱雨必應

溫山

在縣西北招賢里舊記云山有泉夏冷冬溫故名

石龍山

在縣西北通德里南接武彛三峯中一峯曰鷺兒側有池廣袤數丈下有巨石如龍石之首有井井有圓石如珠井之外有龍堂燕子岩白花岩宋崇安令清獻趙抃賦詩云石龍山頂拔危巔我亦登臨骨凜然直上更無容足地速回猶是夕陽天

銅鉢山

在縣西北通德里山極高峻插天負日南抵崇安界中有小菴崇奉袁公佛又有泉井凡

漁梁山

早疫祈禱輒應昔有道人掘得銅鉢故名
在縣北樂平里舊志天下十大名山漁梁其一也山有萬葉寺瀑布居天下第三水源南逕建溪入海北逕信州昔多有堰水養魚者故名漁梁

太姥山

在縣東忠信里太姥即魏夫人也老子玉真經云魏夫人以羅浮天臺大霍洞宮四處為栖真此山洞宮之隣上建太姥寺下建徐淵先生書院明崇禎間重建今存故址

泉山

在縣北永康里山頂有泉二派一入建溪一入處洲漢朱買臣謂東粵王居保泉山疑即此

百向山

在縣北長樂里俯臨大溪與油果山對其山挺拔四面皆見因以為名

粵山

在縣治東與金雞嶺接脉環崗清澗石洞巖衣洞中有迎仙樓詳見寺觀雍正十三年邑人祖德源等闢斗姆宮之左偏募建祈嗣苑山川

浦城縣志

卷之一

工部山

在縣西上相里疊聳三巒峻峨蒼秀浦人每稱為地靈所聚上有蓮峯室僧成炯建

六峯山

在縣北登俊里頂列三峯其中峯更噴峭光延百向翠照船山若俯臨諸峯者北里諸山之望也

犀牛山

在縣北官田里山不高崗脊有石突起狀如犀牛角面朝月山土人稱為犀牛望月

大佛山

在縣北官田里從六峯蜿蜒而來當溪南澄潭處結為峻嶺上有大佛寺

乾山

在縣北官田里自六峯折落平原兩麓如門臨潭沉碧亦稱秀異

楮源山

在縣北永康里三巒鼎列中峯秀出澗水滌洞舊產苦竹可為紙故名

小武當山

在縣南孝弟里地名觀前山勢蟠結峻嶒俯臨大溪高鎮浮梁舊名金斗山山頂有真武行宮

王歸峯

在縣北官田里昔閩平昌王避亂隱此有昌王廟在焉

玉女峯

在官田里船山亦平昌王避亂處也有女死焉因名

筆峯

在縣南孝弟里尖峭如筆遠吞溪面宛若臨池

西巖嶺

在縣西上相里山嶺嶺高凌霄漢晉王欽儒吳興陸邁常遊此宋章公得象少時讀書於此山下山下白羊墳乃柳申二公始祖也古諺云白羊眠處鷓鴣啼

金鷄嶺

在縣東枕越山之左通處州龍泉縣明永樂十三年知縣陳潼建亭嶺上華構翼然林木秀嶂為往來憩息之所成化十年造城築門于上顏曰金鳳雍正元年改築于龍頭山舊

閉門

致孝嶺

在縣北太平里舊名章家嶺唐太傅章仔鈞為布衣時婚石鼻村練氏外舅姑不為之禮公遂借練氏歸徑此少憩誓不復登此嶺及外舅姑歿夫人陟嶺上瞻望揮涕因名

密嶺

在縣西上相里梁江淹常遊其地

浦城縣志

卷之一

山川

古

泗州嶺

在縣北安樂里唐林藻與弟蘊登第經此題詩云長記嶺頭題姓字不穿楊葉不言歸而今折得兩枝桂又向嶺頭聯影飛故名折桂嶺有異僧自泗上入閩度此嶺見水車碓磨乃嘆機巧如此人疑為泗州和尚遂易今名

梨嶺

在縣北安樂里路通衢州江山縣土宜梨故名楊文公億談苑云天下之水皆東梨嶺之水獨北水流入廣信溪唐章碣詩云雷霆入地建溪險星斗逼人梨嶺高歐陽詹詩云南北風煙即異方連峯危棧倚蒼蒼哀猿咽水偏高處誰不沾衣望故鄉明洪武元年知縣張鵬舉於嶺畔高樹華表扁以梨關正德七年知縣張懋德重立關門俗稱五顯嶺因廟名

柘嶺

在縣西北鴈塘里界處州麗水縣陸羽記高一萬七十餘丈絕頂周迴一百步舊記柘嶺峻極勢徹蒼霄狹道陡絕不通馬牛謝靈運永嘉記云柘水源出吳興縣柘嶺以地多柘

得名

楓嶺 在縣北安樂里浙閩交界處上有楓嶺關一名大竿嶺

駐嶺 在縣西新興里嶺極高峻路通武彞

石牛崗 在縣西南總章里石狀如牛石板如棋局

伏水石 在縣北安樂里一名獅子石其石在溪岸正對吳丞相母夫人墓石形如獅首尾爪距皆具

金鷄巖 在縣東越山之左石狀如鷄

白馬巖 在縣東大石里峯巒秀拔單絡羣山舊傳仙人乘白馬至此因以得名旁有傳築巖即宋

狀元祖秀實故居也

七房巖 在縣東北大石里巖有七層泉一穴形圓如鏡名鏡泉素氣雲浮澄淨淵淨舊傳泉與九

浦城縣志

卷之一

山川

十五

石渡通旱禱即雨

白花巖 在縣西北通德里岩巖峭削蘚苔布滿其上上有坐禪石昔淨空大士嘗棲於此

燕窠巖 在縣東募太里吳山頂有洞如燕窠俗因名之

浮蓋洞 在縣北卑嶺里石洞杳邃有竅可以窺天

羅漢洞 在縣西南登雲里幽深平敞舊有雙石寺今址存

查源洞 在縣西北新興里查溪之源峭崿懸崖壁立無階與崇安縣抵界宋紹興初歲歉鄉民迫

於飢饉嘯聚者多遂設西安臨江二寨以鎮其地

童家尖 在縣西上相里附郭諸峯此尤青峭律峯實西郊之筆峯也

蓮花灘 在縣北太平里舊有蓮花寺因名

吳家灘 在縣東募太里水激石屏不通舟筏

將軍灘 在縣東南登雲里洪濤蕩激溪孔灣環最為險阻

茅洲灘 在縣東南孝弟里九石渡下溪石昂隱曲折可喜

邱源灘 在縣西南總章里狂瀾巨石下抵巴獸潭

塔嶺灘 在縣西南總章里南岸側色之水源悉會於此洪濤巨浪塔嶺抱如襟帶焉

旱灘 在縣東北登俊里地名黨溪昔有人溽暑過此求飲無與之者遂以杖插水中涸不流

火燒灘 在縣南登雲里亂石魁結橫闕溪門換花眠篙唯溪漲時稍利耳

太平灘 在縣南孝弟里水多石厲角相向長年三老時插手不得前名曰太平亦頌禱之義也

老鼠灘 在九石潭下巨石瞰溪石頂有巖突出酷類鼠首舊傳米船經此多遭破後雷擊其頰州

浦城縣志

卷之一

山川

十六

行始

鎖鍊灘 在縣南孝弟里亂石衝流嗟呀當路亦險難也

老虎灘 在縣南東禮里有巨石橫踞駕風蹴浪宛負嶠形南下者多為心悸

南浦溪 在縣南源出漁梁山及柘嶺匯于東南流從白雲潭遠經縣治至新溪合流而西復轉東南迴抱環滙白石錯出其間碎坪有聲堪與家謂之京水

新溪 在縣西源出百丈山順流與南浦水合

江村溪 在縣北鴈塘里由柘嶺轉流與漁梁水滙入于大溪

南溪 在縣東大石里源出高泉流逕錦江入大溪

洪源溪 在縣西北招賢里流逕夢筆山前會于大溪

前源溪 在縣西上相里由登雲下沙橋流達古湫而入大溪

東源溪 在縣南孝弟里由西陽山流至登雲下沙橋入大溪

石陂溪 在縣西南人和里自大湖山流至總章里南岸會于大溪

臨江溪 在縣西南清湖里自新興澄湖橋流至觀前入大溪

古湫潭 在縣南登雲里舊傳深不可測石洞汀洲雖漁人不敢游泳其間今沙淤稍淺一名九湫

白雲潭 在縣東即陂下渡飛湍奔流至此沉深鏡淨舊有銅鐘飛入潭中捕魚者入水常見之鱗甲如龍狀上有白雲寺崇禎間知縣楊鸞重修今改尼菴名仍白雲

鳧綠潭 在縣西會南浦新溪二水潭色靛深浮光耀綠點點如鳧因名

九石潭 在縣西南孝弟里西洋渡一名烏江渡岸列九石高環可數十丈修竹翠栢足供延賞崇禎間知縣楊鸞捐俸重建浮橋更名九石渡勒碑其地浦人為建祠于岸左

龍背潭 在縣西南總章里潭有巨石高五丈廣十丈其狀如龍

浦城縣志 卷之一 山川 十七

巴獸潭 在縣西南總章里環溪皆石壁北有石板長二丈高八尺聞昔有惡獸潛此

猴孫井 在縣東北橫山下舊傳湧泉噴薄曲流入城中於宮牆尤利自奸氓塞源為田百年來當事力索未濟順治七年知縣李葆貞躬臨其地力疏久涇分導支流以入城一逕縣前入

日月池 一逕學前西流出城士民稱李公井詳見碑記年久復塞至乾隆元年孝廉祖德

洪鳩工濬之泉流涓涓苦為碓車分殺未盡流行七年知縣李藩于分殺處作壩以截其

分增圳以助之入而水力始濳潤於城溝矣水初流時士民有以手加額者曰是井也李

公始之李公成之天乎人也

七星井 在縣西隅相傳晉郭璞所鑿

狀元井 在縣東隅朱文公祠前相傳章衡未第時所鑿後登第因名

巖谷井 在縣南孝弟里大石溪中有龍湫旱禱即雨

橫山井 在縣東北橫山下

嵩山井 在縣西南總章里

天池井 在縣北樂平里焦山澄清甘美濟活甚衆

雙門井 在縣東高泉里雙門山

石井 在縣北安樂里詹溪

東山井 在縣東泰寧里白鶴仙跡猶有存者

鉢孟井 在縣北鴈塘里小福羅山

龍嶺井 在縣南孝弟里

百丈井 在縣西北招賢里百丈山山有九井溽暑尤寒冽遇早禱之即雨

瀑布泉 在縣北樂平里萬葉寺後泉出山頂飛瀉數百丈名爲天下第一

浦城縣志

卷之一

十六

素名賢棲寄每多抽吟

虎跑泉 在縣西南總章里大同山詳見山

七房巖泉 在縣東大石里巖之巔有穴焉圓如鏡號曰鏡泉

鳳池 在縣東隅天心寺後相傳池水涵濡鳳鸞棲此明正統九年知縣甘蔡建亭其上今廢

日月池 在縣南浦門左舊有飛虹橋今名湖塘瀦越臺山泉并曲溝諸水舊傳鑿此以制南方之火崇禎間知縣楊鶚重濬翼以欄楯兼植桃李後漸壅廢順治七年知縣李葆貞殫心爲疏決溝泉復通歲久仍淤乾隆元年孝廉祖德洪因濬猴孫井重疏日月池池旁栽構悉復其舊乾隆七年知縣李藩初至即相視地脉躬至池畔力圖永久計命工悉淘其淤更爲深濬之

市心街溝 在南隅

廻東嶺溝 勝陽巷口溝

後街中溝

迎遠門溝

燒帛巷口溝

燕尾巷口溝

軍營巷溝

鑄爐巷溝

已上在西隅

吊橋頭溝

積水池

儒學前溝

新溝 在北隅

已上諸溝清順治七年知縣李葆貞開疏乾隆七

年知縣李藩重濬

形勝

章亥所步混混無涯王公設險制以犬牙當關扼
要一夫可遮竄而突入兔已在且苞桑永繫鼙鼓
無搃志形勝

平原廣野爲四戰之地難以搃吭是故王公設險以
守其國河山之壯昔人稱之此一九泥之足以封函
谷也浦爲閩上游實當要衝東接處州之龍泉西崇
安南甌寧北控廣信之廣豐曩者數被兵然則畫疆
據險當亦思固我圉矣嘗按其形勝東則有葛藤隘
金竹關北則有柳營關梨嶺隘二渡關木城關太平

浦城縣志

卷之一

形勝

三

隘梅溪隘西則有洋源界南則有翁源翁村諸隘皆
因山爲基峭壁陡立有一夫當關之勢於以峻墉垣
蒐軍實嚴斥埃網繆於無事之時縱有狡焉竊發其
敵或逞乎

氣候

天地定位山澤通氣燥濕寒暄葭管所吹下下高
高候隨分至水從夏流扇或冬試浦居萬山氤氳
尤異志氣候

建州居閩上游而浦邑地尤峻四時之間熱多涼少
然燠寒之氣卽一候亦有不齊者晴久則熱炎如炙
一雨輒涼氣襲人春夏之交每多淫雨秋冬亦間有
號風水無鹵山有嵐至午方消中之則瘴炎濕相蒸
器物易黴黥閩鮮冰雪浦則有之雖不甚深厚亦或
至五六月而止幽巖深谷有經冬不融者雨冬則豐

浦城縣志

卷之一

氣候

三十一

年雨春多大水農人每以此占稔歉焉果卉之屬早
於浙遲於郡大抵邑居萬山之巔地氣濕熱天氣高
寒故迥異他郡